

ZAPISNIK SA

**12. Hitne sjednice Skupštine Kantona Sarajevo
održane u ponedjeljak, 30.11.2020. godine,
sa početkom rada u 10,00 sati**

Predsjedavajući Mirza Čelik (daljnjem tekstu predsjedavajući) je pozdravio sve pristune i otvorio 12. hitnu sjednicu.

Prema evidenciji Službe, **ONLINE** sjednici prisustvuje 33 zastupnika, što je dovoljan broj za punovažan rad i odlučivanje.

SDA - STRANKA DEMOKRATSKE AKCIJE

1. Hamed Aljović
2. Jasmina Bišćević-Tokić
3. Haris Zahiragić
4. Mirza Čelik
5. Sabahudin Delalić
6. Mahir Dević
7. Amra Hasagić
8. Smiljana Viteškić

POLITIČKA ORGANIZACIJA "NAROD I PRAVDA"

1. Vedran Jakupović
2. Elmedin Konaković
3. Danijela Kristić
4. Amel Mekić
5. Arijana Memić
6. Elvedin Okerić

POLITIČKA ORGANIZACIJA GRAĐANA "NAŠA STRANKA"

1. Vildana Bešlija
2. Neira Dizdarević
3. Vibor Handžić

SOCIJALDEMOKRATSKA PARTIJA BOSNE I HERCEGOVINE

1. Segmedina Bajramović Srna
2. Igor Stojanović
3. Samir Suljević

SAVEZ ZA BOLJU BUDUĆNOST BIH – FAHRUDIN RADONČIĆ

1. Zvonko Marić
2. Dževad Poturak
3. Bilsena Šahman

DEMOKRATSKA FRONTA

1. Senad Hasanović
2. Bibija Kerla
3. Sead Milavica

BOSS-BOSANSKA STRANKA – MIRNES AJANOVIĆ

1. Haris Pleho

SAMOSTALNI ZASTUPNICI/ZASTUPNICE:

1. Damir Nikšić

2. Fahrudin Pecikoza
3. Damir Marjanović
4. Elvis Vreto
5. Jasna Duraković
6. Aljoša Čampara
7. Admela Hodžić
8. Amra Junuzović-Kaljić

U skladu sa članom 71. Poslovnika konačnu odluku o utvrđivanju hitnog karaktera sjednice Skupštine donosi Kolegij Skupštine.

Kolegij Skupštine Kantona Sarajevo je na sjednici održanoj 23.11.2020. godine utvrdio da postoji osnov za sazivanje Hitne sjednice Skupštine Kantona Sarajevo i odredio termin održavanja iste za dan 30.11.2020. godine u 10,00 sati.

U skladu sa članom 65. Poslovnika Skupštine Kantona Sarajevo, dnevni red za ovu sjednicu utvrdit će se danas.

Prije prelaska na utvrđivanje Dnevnog reda predsjedavajući Čelik je upozbao SKupštinu da je na osnovu Odluke Centralne izborne komisije BiH, broj: 06-1-07-1-1131/20 od 23.11.2020.godine Harisu Zahiragiću, sljedećem kvalificiranom kandidatu sa liste političkog subjekta Stranke demokratske akcije za Skupštinu Kantona Sarajevo, dodijeljen mandat poslanika/zastupnika u Skupštini Kantona Sarajevo.

Dosadašnja zastupnica Samra Čosović-Hajdarević podnijela ostavku na svoj mandat, te stoga je njeno mjesto popunjeno sljedećim kandidatom sa liste Stranke demokratske akcije.

Predsjedavajući je pozvao uvaženog gospodina Harisa Zahiragića da položi Svečanu izjavu.

Zastupnik Elmedin Konaković se prijavio za poslovničku intervenciju ističući:
“Zahvaljujem prevladavajući. Srdačan pozdrav svima vama koji učestvujete u radu skupštine kao i onima koji nas pored malih ekrana gledaju. Samo da provjerimo tu poslovničku proceduru, da nešto ne pogriješimo prilikom preuzimanja mandata. Praksa je bila da se na sjednicama kod utvrđenog dnevnog reda dodjeljuje mandat, samo eto tehničko je pitanje, sekretarko možda vi da nam pojasnite, da kolega Zahiragić ne starta u nekoj nepravilnoj proceduri. Njemu želio sretan rad u skupštini a vas molim da pojasnite ovu proceduru. Trebamo li prvo usvojiti dnevni red kao i jednu od tačaka zakletvu kolege Zahiragića ili vi cijenite da je dovoljno da on ovako nasuho položi zakletvu. Hvala.”

Sekretarka Aida Zeković je dala sljedeći odgovor:
“Dobar dan svima. Vezano za vaše pitanje ja sam pregledala zaista dosadašnju praksu, sve stenograme kako je to do sada išlo, uvijek je prije utvrđivanja samog dnevnog reda data mogućnost da novi zastupnik položi zakletvu. Eto to možemo dakle kroz provjeriti kroz stenograme, ja vam mogu poslati ranije kako je vođena procedura. Nije nikada išlo kao tačka dnevnog reda. Hvala.”

UTVRĐIVANJE DNEVNOG REDA 12. HITNE SJEDNICE SKUPŠTINE KANTONA SARAJEVO.

Zastupnik Elmedin Konaković je predložio sljedeći dnevni red:

1. Prihvatanje ostavke premijera Marija Nenadića,
2. predlažemo izmjena i dopuna izbor članova Komisije za izbor i imenovanja
3. Potvrđivanje člana rukovodstva iz reda bošnjačkog naroda a kako bi nakon toga bez da mi čekamo na ovoj sjednici rukovodstvo moglo sjesti, izabrati novog predsjedavajućeg i o tome izvijestiti Skupštinu.

Predsjedavajući je informisao da će prijedlog dnevnog reda biti upućen zastupnicima i zastupnicama.

1. Prihvatanje ostavke premijera Vlade KS,
2. Prijedlog odluke o izmjeni Odluke o imenovanju Komisije za izbor i imenovanja i administrativna pitanja Skupštine Kantona Sarajevo
3. Prijedlog Odluke o izmjeni Odluke o potvrđivanju kandidata za izbor predsjedavajućeg ili zamjenika predsjedavajućeg Skupštine Kantona Sarajevo.

S obzirom da je predložen dnevni red predsjedavajući Mirža Čelik je pozvao zastupnice i zastupnike da se izjasne putem viber grupe.

NAKON GLASANJA KONSTATOVANO JE DA JE SKUPŠTINA JEDNOGLASNO (34 "ZA") UTVRĐILA DNEVNI RED ZA 12. HITNU SJEDNICU SKUPŠTINE KANTONA SARAJEVO.

AD – 1.

PRIHVATANJE OSTAVKE PREMIJERA VLADE KS

Premijer Mario Nenadić je podnio uvodne napomene po ovoj tački dnevnog reda (citiramo):

“Hvala gospodine predsjedavajući još jednom. U ime Vlade i u svoje lično ime pozdravljam sve zastupnike u Skupštini Kantona Sarajevo. Evo bilo bi neozbiljno da ne ponovimo ove dvije tri rečenice vezano za ostavku. Evo bilo bi neozbiljno da ne ponovim ove dvije ili tri rečenice vezano za ostavku koju sam podnio svojim aktom 02-01-30-46237/20 od 18.11.2020.godine. Prije svega želio bih reći da sam postupa u skladu sa članom 12. Zakona o Vladi. Odredbama koje mi daju mogućnost da podnesem ostavku predsjedavajućem Skupštine. Ostavku potvrđuje Skupština Kantona Sarajevo, što evo vjerujem upravo se i dešava. Razlozi za moju ostavku leže u činjenici da još 09.10.2020.godine 18 zastupnika u Skupštini Kantona podnijelo prijedlog za glasanje o nepovjerenju Vladi Kantona uz obrazloženje pored ostalog da je Vlada Kantona izgubila povjerenje skupštinske većine jer prijedlozi i odluke nisu mogle biti usvojene zbog izostanka podrške i promijenjene većine u kantonalnoj Skupštini. Reći ću da smo već duže vrijeme od trenutka podnošenja Prijedloga za glasanje o nepovjerenju Vlade od strane nove skupštinske većine da smo radili u izuzetno teškim uslovima bez neophodne skupštinske većine za izglasavanje i rješavanje pitanja koja su od važnosti za život građana Kantona Sarajevo. Jasno je da Vlada Kantona kao i svaka druga mora imati političku podršku i prohodnost u donošenju hitnih odluka i ubrzavanju pokrenutih procesa što u zadnje vrijeme, posebno se u radu

osjetilo, ova Vlada nije imala. Sve navedeno, bio je razlog što sam ostavku najavljuvao i ranije. U ovom trenutku ključni razlog je podnošenja ostavke upravo ubrzavanje pokrenutih procesa kao što je ovih dana u javnosti više bilo i riječi. Ja ne bih danas govorio o Izvještaju Vlade Kantona vezano za prijedlog za izglasavanje nepovjerenja Vladi Kantona Sarajevo obzirom da smo materijal ranije u vezi sa tom procedurom dostavili Skupštini Kantona Sarajevo tako da u ovim svojim izjavama zadržat ću se na ova dva tri razloga koja sam upravo naveo. Izrazio bih zaista duboko poštovanje u ovom trenutku razmatranja ostavke na dužnost premijera Kantona Sarajevo prema Skupštini svim zastupnicima u Skupštini Kantona Sarajevo. Ono što, ukoliko danas dođe do usvajanja ove ostavke, ono što će Vlada uraditi jeste u skladu sa važećim propisima obzirom da se podnošenje moje ostavke smatra da su ostavku podnijeli i svi članovi Vlade Kantona Sarajevo, to ćemo vjerujem završiti tokom dana, kako bi u interesu ubrzavanja procedura koje slijede, što prije došli u situaciju da vi koji ste za to nadležni možete imenovati novog mandataru i članove Vlade kako bi procedura išla što prohodnije i brže. Prema tome evo u ime Vlade Kantona Sarajevo i u svoje lično ime, zahvaljujem se i molim vas da moju ostavku danas usvojite. Hvala vam.”

Zatim se Skupštini obratio zastupnik Mahir Dević a nakon njega za riječ se javila i dopredsjedavajuća Danijela Kristić koja je upoznala Skupštinu o Prijedlogu odluke o potvrđivanju razrješenja Vlade Kantona Sarajevo:

I

Razrješava se Vlada Kantona Sarajevo u sastavu:

Mario Nenadić, premijer

1. Mersa Kustura, Ministarstvo pravde i uprave;
2. Faruk Kapidžić, Ministarstvo prostornog uređenja, građenja i zaštite okoliša;
3. Nihada Glamoč, Ministarstvo komunalne privrede i infrastrukture;
4. Adi Kalem, Ministarstvo saobraćaja;
5. Ismir Jusko, Ministarstvo unutrašnjih poslova;
6. Draško Jeličić, Ministarstvo privrede;
7. Jasmin Halebić, Ministarstvo finansija;
8. Rusmir Mesihović, Ministarstvo zdravstva;
9. Anis Krivić, Ministarstvo za obrazovanje, nauku i mlade;
10. Kenan Alikadić, Ministarstvo kulture i sporta;
11. Jasna Agić, Ministarstvo za rad, socijalnu politiku, raseljena lica i izbjeglice;
12. Hajrudin Grabovica, Ministarstvo za boračka pitanja.

II

Premijer i Vlada u ostavci će obavljati sve poslove iz svoje nadležnosti u skladu sa ustavom i zakonom do dana potvrđivanja Vlade u novom sazivu.

III

Ova odluka stupa na snagu danom donošenja i objavit će se u „Službenim novinama Kantona Sarajevo“.

U nastavku, otvorena je diskusija i u njoj su učestvovali Amra Junuzović-Kaljić, Bibija Kerla, Mahir Dević, Zvonko Marić, Jasmina Bišćević-Tokić, Haris Zahiragić i Bilsena Šahman.

Predsjedavajući je konstatovao da je iscrpljena lista prijavljenih za raspravu pa je informisao da će uslijediti izjašnjavanje o dva Prijedloga odluke: Odluka o prihvatanju ostavke na dužnost premijera Kantona Sarajevo i Odluka o potvrđivanju razrješenja Vlade Kantona Sarajevo koju je predložila uvažena dopredsjedavajuća Danijela Kristić. Za je glasalo 23 zastupnika, protiv niko, suzdržanih 9.

ZASTUPNICE I ZASTUPNICI SU PRISTUPILI GLASANJU O ODLUCI O PRIHVATANJU OSTAVKE NA DUŽNOST PREMIJERA KANTONA SARAJEVO I NAKON GLASANJA KONSTATOVANO JE DA JE SKUPŠTINA PRIHVATILA OSTAVKU PREMIJERA VLADE KS VEĆINOM GLASOVA (23 “ZA” I 9 “SUZDRŽANIH”).

NADALJE, ZASTUPNICE I ZASTUPNICI SU PRISTUPILI GLASANJU O PRIJEDLOGU ODLUKE O POTVRĐIVANJU RAZRJEŠENJA VLADE KANTONA SARAJEVO:

I

Razrješava se Vlada Kantona Sarajevo u sastavu:
Mario Nenadić, premijer

1. Mersa Kustura, Ministarstvo pravde i uprave;
2. Faruk Kapidžić, Ministarstvo prostornog uređenja, građenja i zaštite okoliša;
3. Nihada Glamoč, Ministarstvo komunalne privrede i infrastrukture;
4. Adi Kalem, Ministarstvo saobraćaja;
5. Ismir Jusko, Ministarstvo unutrašnjih poslova;
6. Draško Jeličić, Ministarstvo privrede;
7. Jasmin Halebić, Ministarstvo finansija;
8. Rusmir Mesihović, Ministarstvo zdravstva;
9. Anis Krivić, Ministarstvo za obrazovanje, nauku i mlade;
10. Kenan Alikadić, Ministarstvo kulture i sporta;
11. Jasna Agić, Ministarstvo za rad, socijalnu politiku, raseljena lica i izbjeglice;
12. Hajrudin Grabovica, Ministarstvo za boračka pitanja.

II

Premijer i Vlada u ostavci će obavljati sve poslove iz svoje nadležnosti u skladu sa ustavom i zakonom do dana potvrđivanja Vlade u novom sazivu.

III

Ova odluka stupa na snagu danom donošenja i objavit će se u „Službenim novinama Kantona Sarajevo“.

ZASTUPNICE I ZASTUPNICI SU PRISTUPILI GLASANJU O PRIJEDLOGU ODLUKE O POTVRĐIVANJU RAZRJEŠENJA VLADE KANTONA SARAJEVO, NAKON GLASANJA KONSTATOVANO JE DA JE SKUPŠTINA VEĆINOM GLASOVA (22 “ZA”, 1 “PROTIV” I 10 “SUZDRŽANIH”) USVOJILA ODLUKU O POTVRĐIVANJU RAZRJEŠENJA VLADE KANTONA SARAJEVO.

PRIJEDLOG ODLUKE O IZMJENI ODLUKE O IMENOVANJU KOMISIJE ZA IZBOR I IMENOVANJA I ADMINISTRATIVNA PITANJA SKUPŠTINE KANTONA SARAJEVO

Materijal su zastupnice i zastupnici dobili u viber grupi.

Dopredsjedavajuća Danijela Kristić je podnijela kratke uvodne napomene: “Podnosimo Prijedlog odluke o izmjeni Odluke o imenovanju Komisije za izbor i imenovanja i administrativna pitanja. U prilogu akta smo dostavili Prijedlog odluke o izmjeni Odluke o imenovanju Komisije za izbor i imenovanja i administrativna pitanja Skupštine Kantona Sarajevo. I predlažemo da Skupština Kantona Sarajevo donese navedenu odluku. Hvala.”

S OBZIROM DA NIJE BILO PITANJA I DISKUSIJE, PREDSJEDAVAJUĆI JE POZVAO ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O IZMJENI ODLUKE O IMENOVANJU KOMISIJE ZA IZBOR I IMENOVANJA I ADMINISTRATIVNA PITANJA SKUPŠTINE KANTONA SARAJEVO.

NAKON GLASANJA KONSTATOVANO JE DA JE SKUPŠTINA VEĆINOM GLASOVA (24 “ZA”, 6 “PROTIV” I 2 “SUZDRŽANA”) DONIJELA OVU ODLUKU.

AD – 3.

PRIJEDLOG ODLUKE O IZMJENI ODLUKE O POTVRĐIVANJU KANDIDATA ZA IZBOR PREDSJEDAVAJUĆEG ILI ZAMJENIKA PREDSJEDAVAJUĆEG SKUPŠTINE KANTONA SARAJEVO

Zastupnica Amra Junuzović-Kaljić kao predsjedavajuća Kluba Bošnjaka Kantona Sarajevo je podnijela uvodne napomene te istakla sljedeće:

“Klub Bošnjaka Kantona Sarajevo na sjednici održanoj 24.11.2020. donio je sljedeću odluku:

I

Klub Bošnjaka predlaže Elvedina Okerića kao kandidata za mjesto predsjedavajućeg odnosno zamjenika predsjedavajućeg Skupštine Kantona Sarajevo umjesto dosadašnjeg kandidata Mirze Čelika.

II

Ova odluka zajedno sa Prijedlogom odluke o izmjeni odluke o potvrđivanju kandidata za izbor predsjedavajućeg i zamjenika predsjedavajućeg Skupštine Kantona Sarajevo dostavljena je Skupštini radi potvrđivanja. “

S OBZIROM DA NIJE BILO PITANJA I DISKUSIJE, PREDSJEDAVAJUĆI ČELIK JE POZVAO ZASTUPNIKE I ZASTUPNICE DA PRISTUPE IZJAŠNJAVANJU O PRIJEDLOGU ODLUKE O IZMJENI ODLUKE O POTVRĐIVANJU KANDIDATA ZA IZBOR PREDSJEDAVAJUĆEG ILI ZAMJENIKA PREDSJEDAVAJUĆEG SKUPŠTINE KANTONA SARAJEVO.

Predsjedavajući Mirza Čelik se prije rezultata glasanja kratko obratio:

“Ujedno, koristim priliku da se zahvalim svim uposlenicima Kabineta predsjedavajućeg kao i Skupštine Kantona Sarajevo, premijeru i članovima Vlade i svim zastupnicima i zastupnicima koji su pomogli i doprinijeli da se sjednice organizuju online i da poštujemo i kako Ustav tako i Poslovnik i sve važeće zakone. Još jednom vas se svima pojedinačno zahvaljujem.”

NAKON EVIDENTIRANJA GLASOVA SKUPŠTINA JE JEDNOGLASNO (32 “ZA”) DONIJELA OVU ODLUKU.

Predsjedavajući Mirza Čelik je uputio čestitke novom predsjedavajućem Elvedinu Okeriću, te konstatovao da su iscrpljene sve tačke dnevnog reda 12. Hitne sjednice Skupštine Kantona Sarajevo.

Zapisnik izradila:
Jasminka Deliahmetović

**SEKRETAR
SKUPŠTINE KANTONA SARAJEVO**

Aida Zeković, dipl. pravnik

**PREDSEDAVAJUĆI
SKUPŠTINE KANTONA SARAJEVO**

Dr. Mirza Čelik

Sastavni dio ovog zapisnika su stenografske bilješke, audio snimak sjednice, koji se čuvaju u Službi za skupštinske poslove Skupštine Kantona Sarajevo.